



## **Universitätsbibliothek Paderborn**

**Diplomatvm Belgicorvm Libri Dvo**

**Le Mire, Aubert**

**Brvxellis, 1627**

9. Ludouicus Pius Caesar, petente Iuditha coniuge sua, Isernam & Thorenselam, villas monasterij Rotnacensis, an. 831. concedit Hildefrido viro nobili.

**urn:nbn:de:hbz:466:1-10903**

A&um Aquisgrani, palatio regali, anno V. Imperij Ludouici 821.  
piissimi Augusti, Indictione XIII. Kalendis Maij.

## N O T A T I O N E S .

Iac. Guisius in mss. Hannoniæ Annalibus lib. 14. cap. 23. diploma istud recitat.

S. H Y M B E R T U S , in peregrinatione Romana & prædicatione Euangelica fuit socius S. Amandi Tungrensis Episcopi ; & quiescit in Maricolenſi cœnobio , à ſe fundato : vt cap. 10. Cod. & in Fastis Belg. explicui.

MARICOLAS) vulgo *Maroilles*, in Hannonia.

HAINOENSIS vel Haginoensis pagus , ) vulgari lingua *Le pays de Hainau*, Latinè Comitatus Hannoniæ, nomen accepit ab Haina vel Haginoa fluuiο , qui prouinciam interſecat , & illius metropolim, Montes Hannoniæ nuncupatam, perluit.

S A M B R A fluuius, Iul. Cæſari Sabis, *Sambre*, Moſæ miscetur Namurci.

## C A P V T I X .

*Ludouicus Pius Cæſar, petente Iuditha coniuge ſua, Ifernam & Thorenselam, villas monaſterij Rotnacensis, an. 831. concedit Hildefrido viro nobili.*

**I**N nomine Domini Dei & Saluatoris nostri Iesu Christi. LOVDVICVS, diuina ordinante clementia . . . omnibus fidelibus sanctæ Dei Ecclesiæ, & nostris, præsentibus ſcilicet & futuris, notum eſſe volumus;

Quia dilecta coniunx noſtra IUDITHA ſuggeſſerit Serenitati noſtræ, pro quodam homine ſuo, nomine HILDEFRIDO, vt ei per noſtræ auctoritatis conſcriptionem . . . illud quod pater ſuus noſme Luitfredus, ex rebus monaſterij, quod dicitur RODENACVM, per conſeſſionem & mansuetudinis largitionem diu habuit,

Id eſt, villam quæ dicitur Iferna, cum molendinis duobus, & aliam villam quæ dicitur Thorensel, cum territorijs & ſluis, aquarum

rum decursibus, & de eodem foresto, qui est in Iserna, ad porcos XV. .... dum ad viuet, similiter per nostræ concessionis confirmationem habere debuisset,

Eius quoque suggestioni libenter annuimus, & hanc nostræ auctoritatis conscriptionem fieri, eidemque Hildefrido dare decreuimus.

Per quam omnibus Rectoribus eiusdem monasterij, præsentibus scilicet & futuris, præcepimus, vt nullus eorum licentiam habeat memoratum beneficium ab eodem Hildefrido auferre, aut eum exinde qualibet occasione priuare, atque dispoliare:

Sed liceat ei Abbat, cum omni integritate, diebus vita sua, eum habere & possidere, ita vt ad Missam S. Martini per singulos annos pastibus memorati monasterij de argento solidum vnum perfoluat.

Si de ipso centu negligens inuentus fuerit, cum lege sua eum restituat, & ipsum beneficium non amittat.

Post suum autem discessum, pars præfati monasterij, absque reliquo personæ consignatione, in suam faciat reuocari potestatem.

Et vt hæc auctoritas nostræ præceptionis firmior habeatur, & à fidelibus atque successoribus nostris melius conseruetur, de annulo nostro subter iussimus sigillari.

MEGINARIUS Notarius, ad vicem Theotonis, recognoui.

831. Data II. Kalendas Februarij, anno, Christo propitio, decimo octavo Imperij domini Loudouici, serenissimi Imperatoris Augusti.

### N O T A T I O.

RODENACVM) hodie Rotnacum, Flandris Roncen, Gallis Erny, amplum Comitatus Flandriæ municipium, in diœcesi Mechlinensi. In quo est

MONASTERIUM quod dicitur Rodenacum) hodie Canonicorum collegium opulentum, à S. Amando Tungrensi Episcopo incohatum (vt Baldericus in Chron. Cameracensi lib. 2. tradit) & à Lothario Cæsare, post monacho Prumiensi, prædijs auctum: vt ex Faſtis & Annal. nostris Belg. constat.

ISERNA) La cense d'Iserie, prope Athum.

CAPUT